



INTERNATIONAL MONETARY FUND



Saopštenje za medije br. 17/453
DOSTUPNO ODMAH
21. 11. 2017. godine

Međunarodni monetarni fond
Washington, D.C. 20431 USA

Osoblje MMF-a okončalo posjetu misije Bosni i Hercegovini

Saopštenja za medije povodom okončanja misije obuhvataju izjave osoblja MMF-a koje prenose preliminarne nalaze nakon što misija posjeti zemlju. Stavovi navedeni u ovoj izjavi predstavljaju stavove osoblja MMF-a i ne predstavljaju nužno i stavove Izvršnog odbora MMF-a.

Misija Međunarodnog monetarnog fonda (MMF) pod vodstvom gosp. Nadeem Ilahi-ja, posjetila je Bosnu i Hercegovinu u periodu od 07. do 21. novembra/studenog 2017. kako bi vodila razgovore o nedavnim ekonomskim dešavanjima i srednjoročnim perspektivama u okviru Konsultacija po članu IV za 2017. godinu kao i o politikama za prvi pregled ekonomskog programa Bosne i Hercegovine, koji je podržan MMF-ovim proširenim aranžmanom (EFF). Na kraju misije, gosp. Ilahi je dao sljedeću izjavu:

“Ekonomija Bosne i Hercegovine doživljava ciklični oporavak koji je ipak slabiji u odnosu na ostatak istočne Evrope. Izvoz kao i doznake iz inostranstva bilježe porast, a očekuje se i rast inflacije u 2017. godini. Iako je održana makroekonomska stabilnost, osnovni cilj programa, podsticanje rasta i otvaranje radnih mjesta, je i dalje u velikoj mjeri neriješen.”

“Misija je primjetila napredak ostvaren u pripremi fiskalno odgovornih nacrtu budžeta entiteta za 2018. godinu, te podstiče vlasti da blagovremeno te u skladu sa preporukama osoblja MMF-a, završe proces pripreme budžeta Institucija Bosne i Hercegovine.”

“Na polju provedbe strukturalnih reformi je ostvaren određeni napredak, posebno na nivou entiteta. Međutim, provođenje nekih od ključnih mjera iz programa se odvija mnogo sporijim tempom od očekivanog. Prethodne mjere za prvi pregled programa obuhvataju usvajanje entitetskih budžeta za 2018. godinu kao i:

“Usvajanje u Parlamentarnoj skupštini BiH izmjena i dopuna zakona kojim će se povećati akcize na gorivo. Ovo je neophodno kako bi se odblokirao najveći paket vanjskog finansiranja koji je odnedavno na raspolaganju za ključne investicije u infrastrukturu. Kontinuirano kašnjenje u tom pogledu je usporilo ekonomski oporavak i uticalo na izgleda za brži rast i otvaranje novih radnih mjesta.

“Usvajanje novog Zakona o osiguranju depozita u Parlamentarnoj skupštini BiH. S obzirom da su već usvojeni entitetski zakoni o bankama i agencijama za bankarstvo, odsustvo novog Zakona o osiguranju depozita odgađa modernizaciju legislative bankarskog sektora u zemlji.

“Iniciranje od strane Vlade FBiH procesa temeljite procjene vrijednosti (due diligence) za telekomunikacijske kompanije, BH Telecom i HT Mostar.

“Usvajanje od strane Upravnog odbora UINO BiH kvartalnih koeficijenata za raspodjelu prihoda od indirektnih poreza te poravnanje međuentitetskih dugovanja.

„Ispunjavanje ovih prethodnih mjera u narednim sedmicama je od ključnog značaja kako bi se program vratio na pravi kolosijek. Osoblje MMF-a je na raspolaganju vlastima pružiti pomoć u ovom pogledu.“